

D 355

.L65





KLIGALEFOGS YULOPA

E LIKO KANOMS PADISIPÖN

FA

DOKEL M. R. LEVERSON.

Handwritten notes at top of page
KLIGALEFOGS YULOPA

E LIKO KANOMS PADISIPÖN

FA

✓
DOKEL M. R. LEVERSON,

de niver de Virginän

2/27 03
PELOVEPOLÖL SE NELIJAPÜK

FA

SAMUEL HUEBSCH

NEW YORK
1893

45134 X

Copyright, 1892, by Dr. M. R. LEVERSON

Press of S. & D. A. HUEBSCH,
322 Pearl St., N. Y. City.

Nestü fikuls difik, kelis is no kanob seplänön, ebevilob
vipi lautela nolelik, lovepolön penoti at nitedik. Esteifob
balikugi, kleili e klüli, do no nog ekanob konsidön meno-
damis pemoböl (a. s. Fransän pla Flent, e. 1.) e vpan alik
ofögivom atosi, bi vödabuk nulik nog defom. Fino senob
obi pebligöl, danön söle CHARLES E. SPRAGUE, kademaal
e lecif vpakluba nolümelopik, plo yüf e konsäl oma tefü
lovepolot at.

LOVEPOLEL.

NINDUGAM.

Kopanöm lombadänik plo püd e ditacödät bevünetik elofom in yel 1888 prämi smalik plo penot gudikün dö “kods sikikün eneletöl jünü e neletöl i adüpo stitami püda fimik e dulik in Yulop.”

Penots esötoms panüblünön tälapüko u flentapüko büfü 1888 batul 3 rid.

Te vigs nemödik pelemänoms, ven lautel penota at egetom noti dö lofot, e tiemo penön ati in foginapük no ebinos sugivot nefikulik. Vödem penota perevidom fa söl W. A. GAUTHEROL in New York, e lautel dasumom pöti at, al plotogön söle at danöfi e danis oma.

Äs lautel jeno ivaladom, cödans ecedoms, das dils semik penota binoms foginik segivote pedaloföl plo konsidam; ab sägo fözögöls cödäti ebitopoms ployegi dö cödef bevünetik püdakongefe, ezitöl in Rom in 1889 lulul, fa kel vemo pekomedom, e cödans ejonoms nämiko in nunod omas kaladi levöladik e plagik ployega at, e tiemo e täno edlänoms maniföfami ata fa lautel.

In pük bevünetik at, kela pakam pekalöl obevolekom so mödikosi, al mofön lucödätis netik ot, befägöl sölelis badik bevobädön kligis, penot at nu pötiko papübum.

I.

Bevü “kods sikikün eneletöl jünü e neletöl i adüpo stitami püda fimik e dulik in Yulop” kod bal sibirinon, so vemo bustanöl, das kanom pameditön äs *el* kod löpü kods lemänik, vo sägo äs kod koda valik, e lofobs in penot at penotön patiko dö kod at e dö meds, — sato nefikulik al sepükön, ab fikulik al lensumön — me kels kanom pamofön, bi ninlabom kodis valik lemänik.

Vöd soelik “nenolug” ninöfom kodi at; sepükam teik velata at, dü^a büdöl zepami väflanik, jinom-la büo binön noet vagik, lägivöl nōsi al suam seva menik, ab noet vagik, do binöl nat jenik nenoluga at, kodöl blötapedi jekik böladöl Yulopi, binom nemödo pakapälik, e nöledalucödäts so vemo otasteifoms lensumami blöfa ata, das no labobs speli mödik plo vobädam anik penota at ta fagam koda at, plä givön nulüdi, al meditön e ba sublinön bepükami, me kel tiks mödikum dagaloms-la.

Das feilel in Flent, töböl dolo al desepedön de tal zesüdikosis lifa plo jimatel e cilils oma, no labom kodi neflenuga ta feilel votik, dunöl otosi etaflanü Rin, binom jen so vemo velatik, das man tikälik lestuniko lenlogedom golami lemöda feilelas balimik, pato pebeklotik e pevafik me güns e glafs, al belapinön e distukön lemödi feilelas votimik, leigo pato pebeklotik e sümiko pevafik.

Iko-li täno zitos, das lemöds tel at manas, kelas balim no labom neflenugi ta votim, kanoms so vemo pamufön, al distukön e ruinön balvotimi sukü vöd büda, pegivöl fa

ek, ba önedikum tefü tug velatik, ka ti kopanel alik lemödas bofik?

Vegedön atosi al nenolug, fedugöl lemödis popa, bevilön klades peplivilegik semik valüdi ta oms e föködutön omis it klades at, al fimön valüdi at ta oms e kemens omas, sekikomöv nog velati lafik; kod mutom pavegedön fagikumo, al patölatön tikäliko. Zu, ets, kels binoms nitedlik, al yufön stadi sibinik dinas, labomsöv giti jonöna sifakligi gianik elerüböl Pebaltatis du yels fol, al gepükön sepükame somik, e bi binos niludik, das klads peplivilegik somik no sibinoms in tats at, sagömsöv, das fom pübligik govama no binom sefam ta klig.

Benö! Xamobsöd kodis ebevobädöl kligi bevü tats nolüdik e tats sulüdik pübliga legletik de Melop, e if kanobs vegedön atis al kod bal u kods mödikum sibinöl i in Yulop, no obinobs fagik de "kod koda" "vafatakeda pevafik" bigövöl in Yulop.

Mögiko sesumü Karolinän sulüdik no tat soelik esibinom tatas livoköl, latumo fomöl "fetanogi," in kel tiemü rupam ans plä luonumef pülik popa evipoms teilami tatafetanoga, e luonumef nog pülikum tefü num luonumefa at evilom damütön dilimami delidü sitaklig. Plunumef vemik luonumefa livokölas eklödoms, das klig no ozitom; if ibülogoms-la, das livam odugom al klig, izilomsöv umo viatön ka plovödön teilami.

Jens at nu binoms so lefulno pazepöl ä me plotogs välamas, ezitöl in tats latumo elivoköl, ä me plotogs jenas in lonaplokudöps tatas difik e in koköms tüpa at, e me pükats pükanas tatas sulüdik, das binos timabölüd, lenzugön blöfis alos, e dunön atosi äbinosöv lonedüpik sägo lilädane melopik.

Iko-li täno ezitos, das in püblig, kö segun niludam plu-

numef govom, luonumef ekanom mütön plunumefi al klig ta vil okik? — Bi in püblig Pebaltatas de Melop *plunumef no govom*; bi niludam, das klads peplivilegik no sabinoms in Pebaltats, jeno binom nepebekodöl; bi pop tata at edälo, das klads peplivilegik pastitamoms in nenolug üt jena, das edunoms so; e bi balim kladas peplivilegik so pestitamöl etikom, logön nitedi oma in klig e egebom valüdi padasuföl e elovegolöl in nams oma, al bevobedön kligi et.

Nenolug utosa, kelos binosöd konöm sogik tata, nenolug utosa, kelos binosöd lon konöma sogik somik, ekodom stitami kladas peplivilegik, nenolug at, nog bustanöl in Pebaltats e in Yulop, if no pefagöl, oblinom kligis mödikum noe in Yulop soi in Melop.

In tat vemo pekosiadik e kanlik sogi yulopik neletübs mödikum sabinoms ta fagam nenoluga somik e if at pufagom, nog neletübs mödikum osabinoms ta moblinam finasekas rübik nenoluga efegolöl, ka in Pebaltats.

Valoflano peläsevos, das slafub in tats sulüdik ebinom kod sifakliga in Melop; lilädan ya beginom badiniludön kodi dibikum. — Binos velatik, das slafub ekanom te sabinön bevü pop nenolik e nekonsidöl gitis fibika; sabinam ata esusiblinom kladi al valüd, kele klad pato nenolik "vietiks badik" elugivomok äs stumi vilik. Is also kosietadils valik at petuvoms, kelis noetobs adelo in Yulop: mens pepladöl in valüd u pesuföl labön valüdi sukü nenolug lemödas, ta ans lemöda föködutöl okis äs stumis utes, keles valüd pegivom.*

In fimän Yulopa binos nog badikum, lemöds menas vädelo suföl pamoslütön se lom al slafub binugik, e du so peslaföl däloms, das pageboms it al ninjapön slafubi leigik

* Lilädolös noeti su flan 30.

votimes, du uts in valüd givoms slafube somik nemi benotonik "dünön rege e fatäne;" e in juls plo yunans, kelas valikis maseloms, ningifoms in lans cilas klödi venodik, das binos dín voik "dünön rege e fatäne;" dünam somik rege e fatäne kosietom in binön löbik belapinön, ninfanübön u mölodön kemenis valik, nevilöl vedön paslavik äsliko oms it e pops valik lānas votimik, keles reg u votim dünanas peföködutöl e liegiko pebepelöl būdomöv belapinön, ninfanübön u mölodön.

If nu kanobs datuvön kodi, emeköl slafubi mögik u pöfudik in Pebaltats, no obinobs fagik de datuvön kodi aitätama lagöl ove Yulop, e de us obinos te step blefik, al getön divami cödik medas ta fagam ata.

Ya efitopobs, das nenolug binom kod, ab noet at binom tu valemik, al pöfudön, e zesüdos, lenlogedön patikummo liköfi nenoluga at. Ab if nenolug jeno binom kod, med mutom binön dadukik sembal; klüliko zit dadukik nedom timi lonedik, al bevobädön sekis e voi kanos pasäkön ti deviko: No-li meds spidikum kanoms patuvön, al deflekön klīgi e tädami aik klīga? Ibo if med nonik blibik kanom sibinön, mesül müdöl kanom palensumön, me kel bad tädöl kanom pafözogön, e pafözogön jü tim, säto lonedik, al befägön ziti dadukik vedön madik e blinön flukis.

Kopanöm lombadänik plo püd e ditacödät bevünetik kanom dunön mödikosi, al födön lensumami mesüla at, keli nu fovobs setenön.

Mesül at binom stitam ditacödefa bevünetik segun disin atosó pamanifädöl e kopanöm lombadänik plo püd e ditacödät bevünetik dunomöv vobädi nobik, if dlānom-la kopefi lonaplokudik Tāla, bekomitön dünalis, das moboms netes valik foginik stitami cödefa somik su stabin suköl:

1. Net alik, balamöl stitamön cödefi, danemomöd ko-

panali bal (sagobsöd) a balions bals u plo dil balionas bals ninlödelas omas, al binön cödan cödefa at; ab no mödikum ka (sagobsöd) kildil bal kopanalas so pedanemöl, u falü nets danemöl nemödikumis ka cödanis kil, täno te bal cödanas somik binomöd sif neta at, fa kel pebevokom al cödef.

2. Kopanals cödefa at kipomsöd cali du tüp (sagobsöd) yelas bals u mödikum e binomsöd nemuflik bevüpo, sesumo falü blöf klimaduna, tikälipa u nefäga. Kusadam lonik klimaduna, tikälipa u nefäga vobädomöd zedami kopanala somik, plad oma pasefulomöd me danemam (fa net at, fa kel pidanemom) pösoda votimik, al kipön cali, jü kusad pubeseitom u nefäg ufinom.

3. Kopanale alik cödefa lemesed sätik papelomöd, al befägön omi, lenküpön famüli oma kovenom. Getomöd i bäledamoni lifüpik ufinöl kipön cali, sesumo if pufagom sukü klimadun segun bagaf 2.

4. Cödan alik danemomöd pladali, (kel binomöd i sekretan plotogöl oma) al dunön pla om zitü mobinam u nefäg loniko no pelucödatöl; i sekretani plivadik; calanes bofik at e calanes valik votimik papelösöd fa valüds enütliidöl in fetanog ditacödik. Bligs pladala löpo penomödöl e sekretana ofinoms ko fagam cala oma fa cödan danemöl omis, e kanoms pafagön fa om ma vil oma.

5. Cödef dilomöd oki in sekions, kelas alik pasedilodomöd lasamön plo (sagobsöd) yels kil in zif semik balima u votima netas enütliidöl in fetanog. Sekions votomsöd topi lasama finü tüp alik (sagobsöd) yelas kil.

6. Sekion alik danemomöd bali kopanalas, al bisiedön in lasams plo tüp (sagobsöd) yela bal.

7. Balna (sagobsöd) a yels kil sekions valik cödefa kömomsöd, al siedämön tuggedo du tim e in plad somik,

vio pedanemoms plo desän. Yeg siedāmas somik tuggedik u pebalöl obinom : sefön leimafi cödāta in zits sūmik zidöl komū sekions.

8. Bisiedals sekionas danemomsöd timi e topi, al siedāmön so tuggedo.

9. Cödöf cödefa padatenomöd al dif u disput alik bevü govs u nets.

10. Gov neta semkimik, laböl kodi difa u kusada ta semvotim, va binöl kopanal fetanoga ditacödätik udu no, kanom cödelabüdön semvotimi somik komū sekion cödefa, siedāmöl in stük neta pekusadöl u nilünik ate, zitü net at no binom kopanal fetanoga u fedüba.

11. Nefölame lebüda cödefa fa net semik pataplado-möd lebüd cödefa pebalik, sepüköl, das binos lonik ko nets votik fetanoga damütön ati, ab net nonik pacedomöd pebligik, fetanön oki al klig semik desänü damütön lefulami lebüda semik.

12. Delids valik cödefa papelomsöd fa nets difik dinamafü kopanals pedanemöl fa oms, e ceks valik cödefa plo dil semkimik delidas somik binomsöd ceks völadlik e papelomsöd zitü deman len käd alima netas at.

13. Siedāms sekiona alik e cödefa pebalöl binomsöd maniföfik sesumo ma büd plo klän peläsevöl fa (sagobsöd) foldils kil kopanalas plisenik. Kods sïedāma alik pemeköl klänik palenunomsöd in plotogs cödefa, e kods at e zits siedāma klänik somik pamaniföfomsöd in tūp sembal pelonöl fa cödef, no lonedum ka (sagobsöd) yels tel sis siedām klänik ezitöl, e if no pamaniföfom ünü tūp somik yelas tel, tāno pos degonam tūpa somik pamaniföfomöd nen büd sembal e nekonsidü büd semik neletöl u mödumo fözogöl maniföfami somik, sesumü büd neletöl u fözogöl maniföfami pegivöl sukü zepam bavögik kopanalas cödefa.

14. Sekion alik danemomöd lisedeli, kel labomöd cali lifüpo u (sagobsöd) jü lifayel velsid, pläsif pufagom sukü klimadun, tikälip u nefäg.—Plunumef kopanalas sekiona labomöd valüdi, fagön lisedeli somik sukü sem kod somik. Bäledamon stilalifik paplokudomöd plo lisedel somik ege-töl lifayeli (sagobsöd) velsid.

15. Zitü säk semik pebitopöl sekione alik mufälöl me cödät oma votimis ka neti bitopöl ati e neti pezitatöl, sekion, kele pabitolom, föblinomöd säki at al cödef pebalöl e suflagomöd cödefi pebalöl, siedämön patiko in tim e in top somik, keli sekion suflagöl odanemom. Top pevälöl se-istomöd, if binos mögik, in ut tatas fetanoga, kel no labom nitedi u nitedi smalikün nemedamik in säk pebitopöl.

16. Aikü cödef pebalöl siedämom, bisiedel in tat ut, kö siedäm pebeginom, bisiedomöd in siedäms cödefa pebalöl jü fözogam finik oma, pläsif penefägöl sukü kod semik, täno bisiedel padanemomöd fa kopanals plisenik.

17. Cödef pebalöl e sekion alik plokudomsöd lenomis bepükotas oma e plo sulüodam dinita e leoda, e plo sef e koven kopanalas, züma e lasamefa. Calans valik tata ut, kö siedäms zitoms, binomsöd pebligik, damütön lefulami бүдас cödefa tefü desein at.

18. Pösods e kopanals valik cödefa, e lisedelas, e pladalas binomsöd nevioidik. Mesül i pamekomöd tefü budinit pöloföl kopanalas cödefa e binomöd somik, das fösefom lestümi mögikün plo pösods e cals omas.

If plöposöv kopanöme lombadänik plo püd e ditacödät bevünetik, kodedön kopefi lonaplokudik de Täl, sefön oke stimi aidulik emoböna netes votimik de Yulop, Silop e Melop stitami cödefa somik, löpniko peployegilöl, fiklödobs, das no gov soelik vola pezivetik okinom nofön senis

südlöfik menada me nevilön zepami ota. Sävaſam valemik ſpidiko oſukomöv, du bläms ſomik ta menadäl äs nügleip in Flent fa valüds de Yulop finü yeltum lätik,—biuamkligs jemodik de Nelij—e kligs blefobtüik pleusalöſtenik e flentadeutik obinomsöv löliko nemögik in füd.

Klödobs, das cödef is pemoböl oblinom medis plagik e ſpidik, al deflekön pöligi aitädöl Yulopi, ab klödobs äſliko, das cödef ſomik peſtitöl, äs kanos neſikulo zitön, do gevöl müdami vemo nedik—sägo plo tüp peſetenöl—deno te jonomöv benodi nedulik, if bevüno lectüd no pagebom-la, al sävulön kodi mödikumo dibik, “kodi kodas,” kelos paſeplänösöd me ſuköl :

Lukijafön te cödefi nen konſidön moſuipami “koda at kodas” binos feleigik medinaſlagame vönik at, ekotenöl te ſanön malädapubotis nen ſteifön fagami kodas epälöl ati.

Klu klödobs, das benod kilik ſuköl oſeſlumom ſe ſtitam cödefa is pemoböl :

ido, Sävaſam ſpidik de Yulop poſtümom ſegun mod is pebitopöl.

zido, Stopam diſputas u difas valik, kels kanoms zitön bevü govs difik me ditacödät püdik.

zido, Sukü sävaſam tim e pöt pagevoms al pakön klülälami ut, kel ſoalik loſom konfidami plo fagam zaik “koda kodas.”

If kod at no puſagom-la, müdam peblünöl ſukü sävaſam nuik, ſunumo u latumo ogetomöv fini e cödef ütük it ovedomöv fegonü tim ſtum, efe ſtum mekädikün

valikas plo yüfam negita sibiröl;* tatops liega e pöfa ko zug valik omas sufama e lepedama ofovomsöv glofön jü menadäl peblämöl sulevom-la, e zivets nelaidulik tima tudelik ponosomsöv me spam sogik, kele jeks badikün voluta flentik obinoms-la äs nos ; dü, pladü benods, kelis volut at nestidü jeks et eblünom menade, kofinaklöf blagik foäta, dagikum ka neit daegikün zenodatimaga veadamöv komotis eblöföl okis äs nefägik klülälama e itikonsefama.

Na stitam cödefa sävafam pasefomöv ma mod suköl :

Net et glölöl oki sukü mobam stitöna ditacödefi bevünetik, u net alik, ekoyumöl al stitön ati, mobomöv sävafami valodik netes votimik me zülagapenod.

If mob at no palensumom-la, net moböl lebevokomöv bali u mödikumis netas komü sekion voik, kel foviko suflagomöd cödefi pebalöl, siedämön baüno in London (Nelij) u Washington (Pebaltats), mögiko in Bärn (Jveiz) u in Pekin (Cinä).

Cödef ulenlilöl deputalis u legatelis neta alik büodomöd modi ma kel sävafam jenomöd ; as sam Rusän kanomöv pabekomitön beginön pülamü (sagobsöd) mans balsmil; nilüno Tükän (sagobsöd) folmil ; Löstän sukomöd ko (sagobsöd) lulmil ; Deut (sagobsöd) ko mälmil ; Flent (sagobsöd) ko lulmil; Täl (sagobsöd) ko folmil; täno denuo Rusän ko balsmil, Tükän ko folmil, Löstän ko lulmil, Deut ko malmil, Flent ko lulmil, Täl ko folmil; täno denuo Rusän ko mil e nets valik ma ked, jü milit e

*Te nemödikans odisputoms, das ätos ejenos mötefamiko lenlogü cödef löpikün Pebaltatas. Atos binos nevitiko velatik tefü ba cödef valik ditacödäta löpikün neta alima in vol, stitam kelas gedätom yelis tum u mödikum. Sukü glulon ütik omas cödefs somik binoms konsefels lona äs binom, kludo negitas e migebas, kelis lons badik elonoms.

bübekipef neta alik popülomöv al num manas, kānas e jevalas, keli cödef ubüedom. Net alik nunomöd cödefe föлами lebüda, lägivöl lisedi, pebezötöl tefü velät, manas, jevalas e kānas pedismitik de milit oma. Calan voik cödefa nunomöd neti suköl in ked pülama, e lemānikos. Bit leigik palensumomöd tefü möl neta alik.

Calans padeputomsöd fa cödef, lenlogön, das pülams pebligik velato ejenoms, e binosöv voik, if balams stitamöl cödefi plokudomsöv, das lügolam libik pagivom calanes cödefa al tat alik ekoyumöl fetanoge.

No kod völadlik sibinom, das net semik denesiom zepami mesüla somik, ab no binosöv sapik, leflagön ati balido, ibo, jü sukü *melak libik tedelik* stüm e konfid balvotik uplaoms kipami nuik heta e mikonfida bevü nets, kod jīnik plo nezepam mesüla at kanomöv patuvön in dledam velatik u simulik, das pagebom, al befägön neti alimik lesevön stabiko topis nämik neta votimik.

II.

Nu fovobsöd davestigön kodi dibikum blötapedama, dapedöl Yulopi, e äs step al desein at säkobsöd : Kis emekos slafubi mögik u pöfödik in Pebaltats ?

Gepük nefikulo palensumom fa nemödiks. Binos neve-lat lonik peblünöl in plagam, das men kanom gito lönön dili läna ; lönön, os binos, no te befüdi, sod gluni it.

Nolobs, das dinäds bevü jens tel at fikulo palogoms fa uts, keles stat ota balidno pabitopom ; ni kanobs spelön, stabön omi plidiko sägo sükele genialik velata linedü mieds, me kels penot somik zesüdo mutom pamietön. Ab spe-lobs, sovemo lenzugön seniti sukölas velati, das pakode-doms, xamön zilüno e studön vobukis ut, kelis olüjonobs e me kels otuvoms velati at nulik omes lefulno pabluföl.

Damütam plagik "niludama" otik tefü lönagit gluna ceinom me steps nevifik ab funlik lemödis Pebaltatas al slafen, äsliko ya eceinom lemödis popa de Yulop, (nese-sumü pop Gletabritäna e Riläna) dif soelik sibiröl, das "spin midlanom dibikumo in mid" ko pops e läns balimik, ka ko votims.

Ifi binos velat, dö no binos setopam sätik velata, sagön, das blünam valüda binom kod tupa, e das kanom padeja-fön me mosumön de sibirans balimik valüdi valik ta vo-tims. Äs lönedo äs näms natik gluna binoms pesedilöl be-
vü sibirans, keles valüd pegivom, sekikön en alimis valik, sibirans ot kanoms govön pesekikölis, e so lönedo klad peplivilegik osibinom, laböl valüdi ta alims.

Klad peplivilegik at täno fovom sukü valüd, keli labom ko dadukam mödikanas pegovöl, susitupön senami mikon-

fida e heta bevü lödans topöfa balimik e uts votima, e tuvöl, das tökam libik dünübas e vobädübas yufom menodön tidamis rübik omas, nemödikans govöl fovoms leblimön stöbotis lukanik tökame somik me suseitam taifas e lapinamas sümik, du nenolug velatas konömik bustanöl flanü pop, befägom nemödikanis govöl, bleinön mödikanis pegovöl, al klödön das suseitam stöbotas somik pöfudom mödikanes pegovöl, u me vöds votik : das pop kanom vedön liegikum me mosumam dila gletik stöfa oma me tlips, e dunami somik nemoms "jeli dustoda ninlänik!"*

Ozesüdos, gekömön al noets anik löpiko pemeköl e desinü blöf e al sukön omis, köi tikaviko dukoms obis, ab top is jinom pötik, al jonön stepi veütik ta lunam pladama fätik balima netas de Yulop ta votim.

Penotodos lonebüo, das ted binom zivetan gletik menada, kofetanöl popis me tans niteda e blodefa rezipik. Tid at binom so manifik, das sägo "rönöl kanom lilädön" ati ; steifam balid valikanas vipöl, neletön denukömami u tlädami aik kluga pajonomös ta fagam jänas ut, pesuseitöl tede me nenolug, labisük u me luvip, kipön popi in yokam.

Jänas ot lepedikün, vobadikün, meköl stopön tedi e jäföl mikonfidi e heti rezipik, binom suseitam toladas su ninsedam u sesedam vobädübas. 'Dejafolsöd toladöpis valik !'

* Binos velatik, das vipam nemödikanas govöl, neletön setenami senamas blodik bevü pops netas difik no ebinom näm soelik kodedik, eduköl al stitam taifas neflenik. Bolit tatik develik esteiföl desini at, peyufom nämiko me nited neläbik utas, keles lonaplokudef badik edälom, kumön nämis nata. Lons tefü glem in Gletabritän, taifs ta kolat, lain, lel e sal in Pebaltats binoms sams ledlefik fluna lerübik ut, keli bolit tatik egebom, desidiko luyümöl oki nitede neläbik monopanas gluna e natagivotas votimik pegivöl menade.

binos step balid al fagön “kodis bustanöl” neläbäda nuik in Yulop.

Ab liedö! step at balid it nedom stepi büfoikum, os binos: fagön de lemöds nenolugi plisipas balid konömava, meköl soelik mögik gekipami toladöpas.

Du kopanöm lombadänik plo püd e ditacödät bevünetik beno lensumomös: ‘Dejafolsöd toladöpis valik!’ äs devi-edi e zeili balid, steifam oma palüodomös, al pakön noli konömik saunik bevü pop, mesüli soelik, me kel zeil at kanom parivön; ab atos soalo no sätos; —do me fagam toladöpa padejafomöv glemiet ta kokömam libik at, me kel pabemögikos, das pops netas difik seivöms, dilsumoms e konfidoms balvoto, deno pölig e dif pafagomsöv te stepi bal u tel mödikum, sätik velato, al givön timi plo dadukam mödikum in tids konömik saunik ut, (peblesenöl sis dät te vemo nulik) me kels soelik “kod kotas,” nogo kositöl kanom pafagön.

Kod at kotas befägom meni sölön komenis; disojedön näpis mödikanas yoke nemödikanas govöl; —e nu ofovobs, davestigön “kodi at kotas.”

Monedobs lilädanis obas, binön pepladöl, das lucödäts ledivikün omas pajokoms, ab if binoms binans lisälik, viliko ovitimoms lucödätis, nekonsidü vul dibik e lestüm sukü bäledat, gonü latat velata e menadäla.

Ni odasufoms, pafenön me denuam plisipas balid, bi, me nelabön atis pevulöl fimiko in lan, ezitos, das “kod at kotas” bustanom so mödo patiko bevü nets üt, luglolöl mödüno dö lib e zivet omas.

No omosumobs timi, al denuön blöfi ofen pefendunöl velata, das soeliko e löliko stäb säto lisälik plo sibinam stidik u lonik löna binom, das men kanom juitön flukis voba oma.

Juitam at ninlabom giti givöna leigo giti itageböna, ab te tefom dinis ut, kelis men bevobädom u getom me sisagam libik utas, fa kels pebevobädoms.

Kim ebevobädom gluni? Kim ebevobädom nämis natik tala? Notolsöd mani ut, fa kel pebevobädoms, e ekö! olubäkobs ome äs lönele e büadane lonik, ab jü notols omi, *menad valik lönom tali e nämis natik oma.*

Ab iko-li ats kanoms pamekön pöfödik plo mens? Valiks no kanoms mekön atis pöfödik leigüpo, ni ek vilomöv dunön atosi, if kanos pamosumön ome, büfo ebevolekom flukis voba pegeböl alos.

Liv sugiva at esäslupom horite tikalas japelikün menada jü dät vemo nulik, ab in yel 1880 liv at, umo u luo dagiko pesenitöl fa votims bigolöl, pelenunom sikiko komü vol me penot magifik "Mostep e pöf," de kel, pelovegivöl obes, al pabekrütön bü maniföfam, esepükadobs, (e nogo nu klödobs atosi) das binom lügivot gletikün al nolug sogik pelautöl du yeltum at.

III.

Sanälals sapik de Bramah esagoms bü timags : “ Aikel lönöl aikü gluni lönomöd flukis ota. Jadiels vietik e nelfans pleidafulik binoms fols bevilama gluna.”

If ubevilon dabalikes lönagiti gluna,—if unindilon ati bevü alims e uneleton votimes glunadili, keli kanoms bevobön nen zepam balidanas, e lifs üt lätikumas pogivoms misalade glunalönelas.

Velat vödik sesagota at peblöfom lefulno in Jotlän, in Rilän, in Nidän e in Pebaltats, in tats at valik pops pefemofom de läns, kelis iliegoms me vob omas, al deilön defü top, al seitopön kapi omas. *

Leigo atos peblüfos vödiko velatik in Nidän, ab Nidän binom tu fagik de jen, adas pastäpom in lans utas, kels ba lilädoms penoti at ; ab if senit omas pavokom-la al jen, das jemods somik zitoms in Jotlän, in Rilän, in Pensülvän, in Kalifonän, (Pebaltats) beginomsöv lesevön, das sempölub vulik komunik lones tatas at valik mutom sibirön, givöl nemödikanas pegönöl valüdi e tefü lifs e tefü labems mödikanas, e damütöl lefulami lonas lejekik at sukü lebüd nemödikanas lejekik me näm lölik soja penogotöl. †

*Valikos at pedunos lölika segun lon, sukü deman sembala, kele lon elucödatom lönagiti läna, e kel nevelo edunom bos, al menodön ati, ab kel edelükom, das län paliegom me vobs votimas e täno semtimo patik elapinom vobeles at vobädübis voba omas—e valikos at segun lon !

†Ötos binos velatik in Flent, in Täl e vätüpo in Yulop, ye pedi-sojedöl kösömes müedöl umo u luo vobädami e negidöfi lonas tefü lönagiti gluna e kels kanoms palogön valüdön in lüed nüdik te aikö lonasit nelijik u lonasit pelicinöl de nelijik bustanom.

Ven Ricardo edatüvom loni dö fien—kapälonöd beno . dö fien konömik,—(keli John S. Mill, edeilöl enemom : “vobädübi nepemelitöl gluna”) emekom stepi balid tefü plänön kodi voik liedas menik, neleigas labema e neleigas ut kladas e valüda, ekodöl lepedamis govas e bevü ats militis stabik in Yulop.

Ab ebinom neskülik in sukön kludotis fagik, ni sägo kludotis nemedamik datuvama oma, dilo ba kodü nöleda-lucödäts, dilo, bi datüvam it ebinom so gletik, das lan bal kanom bevobädön ati te in lifatim lölik. Menadäl nobik de John S. Mill ebefägom omi logön “äsliko me glät dagik” smanidami velata, e dil gletik kosietadilas konömava bolitik oma binom tapük püköfik ta gebam pemeköl de valüd tanatik ab lonagitik at, pegevöl nemödikanes tefü lifs e labems mödikanas. Julans mana gletadik at sagoms : If ilifom-la logön vobuki “Mostep e pöf,” fa Henry George (Hänri Core) ipliedomöv ati äs blünöli livi velatik sugiva sogik, livi, keli sukön, om (Mill) egivom lifatimi, ab keli no ekanom tuvön sukü lucödäts züma oma. *

“Fien,” Ricardo gito sagom, “deslöpom de siem kuliva, xanöl, if at falom, e falöl, if at xanom,” e Henry George blöfom me kludot nebefeitik : rido, das i mese-dots deslöpoms de siem kuliva, falöl, if at falom, e xanöl, if at xanom, e zido, dötum leigo.

Vobädüb lölik voba binom pedilöl bevü lönels mekelas kil oma, os binos : *Fien*, (o. b. fien konömik) glunalönele

*In buk 2, kapit 2, bagaf 5, tanad 1, flan 279 “Plisips konöma bolitik” Mills sagom : “Aikü in semlän lönel (ma suemod genälik) finom binön menodel, konöm bolitik no kanom sagön bosì, al jälön glunalöni äs is pestitöl. In teor saunik nonik dö lön plivadik egelo pelenlogedom, das lönel gluna te äs kudalivikan palelödom in at.”

u lenlönele natanāmas ; *mesedots* vobeles ; *dötums* lönele katāda pegeböl ; ye dötum binom jeno pelam plo vob, kela vobādūbs pesavoms plas pesegivoms e pusavöl pogebooms, al yufön vobi plo vobādam mōdikum.

If nu fien aixanom mafū siem kuliva pesetenöl, e if mesedots e dötum (leleigik tefū rig e lons meseda) zesūdiko xānoms e faloms tuggedo, *fien*, (o. b. fien konōmik) mutom fovön lenlönön dilodi vobāda pagetik me vob e katād.

Sibinan nonik labom giti südlōfik semik, flagön fieni konōmik at, (penemöl fa John S. Mill “vobādūb nepemeli-töl glunavölada;”) binöl glof e sek voba valikanas gito lōnomōd valikanas ; e binos klūlik, das, unā letobs ati palenlönön fa dabalikans, mostep üt sogā befāgom dabalikanis at, lenlönön omes dilodi levelo gloföl vobādūba voba, e ās fikul getōna lūletamī gluna, keli bevobomōv, pamōdom, umo e umo jalepiko dlānom lemōdis vobelas len vōl, ditlidöl balionis me dunam at. *

Lenlōname fiena fa nemōdikans, valūde pegivöl nemōdikanas, sekikōn de glun (sodas no kanoms gebōn vobi) valikanis ut, no lobedöl stipames pediköl fa glunalōnels sonemik—atose pōlūcōdātöl valūd sōlama mana bal e klāda bal ta votim. †

*Sukot tuggedik, ab somik, kel mōdom legleto vobādamis badik lenlōnama at natanāmas fa dabalikans, binom spēg ino pekodedöl me xānam tefū vōlad natanāmas at, keli vobādōn de glofam sogā pavalados. Spegel lemom leno al menodōn, yed “plo xānam,” no al “mekōn glofōn yebastagis tel, kō te yebastag bal eglofom,” sod al neletōn glofami yeba valik, jū pōfūd peblesenöl pedarivom. Ni gudumom it, ni letom, das votims gudumoms, ab neletöl gebami bemietom vobādi e nog umo gedlānom vobeli, kela kanāds tefū vobagebam somo lukaniko nog umo palunoms.

†Al ninlogōn blōfami lefulnik velatas at, lilādan palūjonom al “Plisips konōma bolitik” fa Ricardo, e al “Mostep e pōf” fa Henry George,—patiko al lātikum.

Sölam at, do in zids valik pevöböl me cüt u mekäd, pelesenom manifiko me lons netas mödikün Yulopa tefü plivilegs difik pebevilöl dabalikanes e klades ; ab do no manifiko pelesevöl, deno sibinom jeno in pübligs de Flent, Jveiz e Pebaltats, do klads e plivilegs patik lugloliko panegeboms me lon ; yed valikos at binos : das me lenlönön vobi votimas al gebam lönik sukü valüd pegevöl dabalikans lenlönoms tali e befüdis ata,—kositadili zesüdik ut al befüdam liega, keli nat e no men semik ejaom, ab nen kel vob mena binom vanlik.

Al nosön söлами at mena ta men, kodöl kladis, militis stabik e löbügi laik e aitädöl lemödas menas, dukötön guggis balvoto,—al plokudön, das stad valemik benata bustanom, lenlönam at befüdas nata fa dabalikans mutom zedön.

Do jinos selednik, deno mesül vemo balik lonaplokudama finanik obevobädöm zestidikosi valik :

Fien konömik—"vobädüb nepemelitöl glunavölada"—no binom sek binana dabalik, sod binom sek voba valikanas e binomös lönuv valikanas,—binom fün, keli nat it plokudom, de kel delids valik ut pamekomsös, kels no kanoms papelön so beno fa dabalikans, ka fa komot. Binom fün voik pösumöl fa tat plo disins ut, nu pepelöl me taifs e devieds alik luo u umo foetik tlipama.

Tlips valik lemänik sötoms padejafön. Cal aikel jünü peduinöl fa gov no kanom papelön de tlip dabalik glunavölada setenöl al fein konömik gluna, binom cal, keli gov no blüfomöv. *

Ni pötös plo penot at blüfön stitami kudas konömik plo

*Al blüfön velati at zesüdos, bisäön sevami luüno stäbaplisipas nolava lonaplokudik flanü lilädans, ab bi nolav at binom löliko peluletöl in lenadöps obas—sägo juls penemöl gümnads e juls plo nolav bolitik nö simuloms tidön ati—binos vanlik blinön is blüfi at.

lensumam tlipa dabalik ot pladü möfoms tlipas bevetöl sogis molädik valik ; —mutobs bemietön obis, lüjonön lilädanes vobukis difik fa söl Henry George, patiko “Mostep e pöf” e “Jel e ted libik.” Ye zesüdos, kapälön stäbo, das moh betlipöna glunavöladi niludom betlipön völadi gluna *nen menodams ata*, sesumo kö, äs in Nelij, Jotlän, Rilän, Pensülvän u votöpo mekels menodamas at pebelapinoms en nemisaladiko me dunanät glunalonas naudik Britäna u Pebaltatas, e pegivoms glunalönele.

Kö menodams pemekoms tefü glun, kel me necöd lonas at elükömom in nams glunalönelas no emeköl menodamis at, us, e te us, tlip pasuböladamöd i völade menodamas.

Sefön negebami tlipas valik sesümü tlip glunavölada (nen menodams) binomöd zeil lätik kopanöma lombadänik plo püd e dítacödät bevünetik. Ab, liedö ! äs negebam toladöpa binom fagik de kapäl timaga, so negebam tlipas valik lemänik e pladalam atas me tlip dabalik glunavölada binom nog fagikum !

Tidam tefü nolav konömik, me kel soeliko step büfoik kanom pasefön, obinom i step plo sefön lätiki. Ab nemödikans govöl, kels maseloms julis, kö pop patidom, no oletoms patidön nolavi konömik saunik in ats. Ans otas, neskülük sukü lucödäts züma omas, al ninlogön velati, otoms ati, bi snatiko klödoms, das binom pöl ; votims, lesevöl velati, ötüpo senitöl, das pakam ata nosom kladaplivi-legis omas, ogeboms lucödätis valik nenoluga, al neletön pakami klülälama.

IV.

Esagobs, das sägo in Pebaltats plunumef no govom, e das klads peplivilegik i sibirinoms in tats at.

Sefön gonü pop me tlip glunavöladas glofubi ut glunavölada, kel pekodom sukü mödam sogä, e no binöl vobädüb vobä dabalik, sod ot vobä komota valik, suno nososöv plivilegis kladas e calefas, ya sibirinöl in Pebaltats, e kö ya edarivoms setenami pölügik füde pübliga ab kö no nog so dibiko pevuloms e rezipiko eninglofoms, al kodön me dejafam otas voluti lefulnik sogä.

Äs klüliko peblöfos fa söl Henry George in vöbuks löpniko penemöl, lensumam mesüla balik at sefomöv plo alim medis, al gebön vobi e al plokudön dili dütik vobädüba e somo neletomöv sibirinami tlepama ut befägöl popi volutön e kligön.

If atos ubinos vobädäm in Pebaltats, liko umo benods obinoms stabik in nogotim mödo pekosiadikum sogä yulopik, kela sit lölik tefü plivilegs calefas e kladas pafünom löliko su glunalönäm dabalikanas. If nu kanobs datuvön modi, me kel lensumam plisipa at paleitom in Pebaltats, täno okanobs pötöfön modi ot tefü sog Yulopa.

Do Bismarkim atimo binom pesetenöl in Yulop e sägo niveraplofeds, luüno jü bletim, padasumoms de kligastük, egekipöl sis 1870 ziveti in län at, deno binos velatik, das ä in Deut, ä in Flent, ä in Täl, ä in Lostän, in Gretbritän, i äs klödots sägo in Rusän plunumef popa taom kligi.

Nek odotom, das atos binos velatik tefü pop Pebaltatas; ab in Pebaltats äsliko in tats Yulopa plunumef no govom, e luonumef u nemödikans govöl semtimo in Yulop e jepöl

pöti in Pebaltats kanomsöv bevobädön, das tat anik atas lefalom nen kod in klig ta vilam plunumefa.

If dif vedom bevü mens tel,—nonik otas, if snatik, odotom, loveletön säki pedisputöl ditacödäte paleta kilid lindifk. If dif vedom bevü nets tel, nonik otas, if pegovöl fa plunumef, dotomöv, loveletön difi at ditacödäte cödefa nepaletik semik. Klig in zids somik binomöv nemögik ; sugiv täno binom, sefön plunumefe vögodi cödätik at peplägöl atimo in Yulop e in Pebaltats fa nemödikans govöl.

E balido iko-li atos kanos pabevobädön in Pebaltats?

Givonöd plöseni velatik pla citam sibinik plösena.

Mods tel pedatüvoms me kels atos kanos pamekön. Balim, penemöl pladalasit, pesetonom in “Ployeg glulona plo Koloradän” pepuböl in Denver, (Koloradän) in yel 1875, votim pesevöl äs “Sit de Hare” (Her) u “Sit dinamafik plösena” pedatüvom ba in yel 1853 fa söl Hare in London e fa dokel Andrae in Dän leigüpo, ab itiko. Sit at potuvom fulno peseplanöl ä in vobuks fa söl Hare, ä in vobuks difik e in pükats fa söl John S. Mill, edeilöl.

Step balid sikod pömeköl fa kopanöm lombadänik plo püd e ditacödät bevünetik binom plovödam balima sitas at plösena velatik.

Top no binom is, penotön veitöfiko dö sit balimik u votimik, sätos, lüjonön bofikis lilädanes kobü sepükam ceda obas, das unä klads gletik sibinoms, deslopöl tefü sibinam de nemödikans, e das sikodo vögodam klänik zesüdom, al jelön omis, so lonedo mod lätik binom bizugikum. Do segun stud balid mod at jinom kompligik, e atos binos kod, das lautel ebizugom pladalasiti pebitopöl in “Ployeg glulona plo Koloradän” löpno pelüjonöl, deno potuvos segun xam dibikum, das sit fa Hare binom jeno vemo dabalik.

Klülükos, das al sefön lensumami moda nolavik somik,

äs alim sitas bofik binom, sevam nolava, su kel stabom, u luüno plisipas beginelik nolava at nedom pakami gletik. Liedö ! segun nunam obas in gümnad u niver nonik in Yulop u Melop nolav at, o. b. lonav dö lonaplokudam, je-no patidom, do niludam ata patuvom in nivers anik Yulopa.

Klülükos, das plösenam velatik plunumefa ninlabom plösenami ä jımanas ä manas, vögods jımanas obinomsöv ze bavögiko ta klig e ta dins valik kodedöl kligi. If nu plisip at plösenama velatik palensumom-la fa te net dabalik vola, pop neta ot, binöl velato peplösenöl, dlanomöv netis lemänik valik, das lensumoms siti ditacödäta pla dasumam vafas, tädöl vädelo lifis e benugi popas Yulopa, e somo yufomöv sefön sävafami valemik me vobädam te tomätik mesüla, kel giyomöv fegonami libik fekes südlöfik popas. I dukosöv al bepükam plisipas de güvam tlıpa dabalik tefü fien konömik gluna pla tlıps lemänik valik e al ledivam sovenik pöfüda oma, kel suno omütom nemödikanis govöl, lubäkön demanes gitik mödikanas nu peleepedöl ; fegonü yels nemödik plivilegs kladas panosomsöv, sisagam popa pamekomöv zësüdik me nunod (äs pedunos nu tefü zids anik in Pebaltats e in Jveiz) tefü lons valik, keles lobedön pasuflagoms, e rogam valüda fa nemödikans ta mödikans pafinomöv.

Al suamön :

rido, Step nefikulikün, kludo step pömeköl balido fa kopanöm lombadänik plo püd e ditacödät bevünetik binomös : begön lonaplokudefi tälik, das bekomitom dünalis tälik, mobön govamefes vola stitami ditacödefa bevünetik su stab pebitopöl in penot at u su sem sümik, e plokudön, das mob somik payufom in lonaplokudef at fa kopanals bal u mödikum.

zido, Vobädön pakami stenüdik nolava konömik disinü plokudam liba netefamik teda, e dejafami toladöpas valik.

zido, Steifön, al kodedön lonaplokudefi tälik lensumön siti plösenä dinädamafik, in kel tikädalüod alik paplösenomöv fa dil gidik oma in lonaplokudef oma. Atos togü gebam ofenik nunoda sefomös govami plo plunumef, kel zelädiko vätüpo taom klige.

zido, Bevobädön lensumami tlipe tefü atos, kelosi John S. Mill enemom "vobädübi nepemelitöl gluna" e tefü cödüks disinü sefön gonü pop fieni konömik gluna e völadi cödökas, fieni e völadi evedöl te de vob valikanas, e somo finön monopami nämäs nata fa nemödikans.

zido, Bevobädön togü steifam mesülas löpnik pakami velatas konömik e nolava lonaplokudik bevü pops e patiko bevü lavogels e valikans, kels ba ovedoms steifals cala sanik lonamekelas u kopanals lonaplokudefa.

Pidobs, das blef tima palemänöl nag egetobs zülagi lenunöl ployegi givöfik söla lestümik E. I. Moneta e vobädami flanü kopanöm tefü at eneletom gepükami obas me penot umo digik e kudikumo peplepadöl: nog umo pidobs, das liköf voik penota somik mekom nemögik kuladiko sejonön teorise, kelis ebitopobs, e mütom obis, kotenön, lüjonön studeles vobukis ut, in kels otuvoms sejonami atas.

Ab stud vönik obas tefü nolav lonaplokudik ebefägom obis, fomulön ployegi tefü cödef bevünetik, keli löpniko ebitopobs e tikobs, das ployeg at mutom dagetön belobami lanas libälik valik.

Tikobs, das stitam cödefa somik binom dunlik, sägo niludik in füd nilik, if kopanöm lestümik lombadänik plo püd e ditacödät bevünetik oplägom flunami oma plo zeil at.

Stitam cödefa at oceinom suno, äs spelobs löpno ejonön,

vafatakedî pevaföl nu vädelo tlädöl vedön klig lerübik, in vafataked so pelonedöl, das givom timi, al davestigön fovo-
 teorîs is pebitopöl, kels, if velat omas, äs no dotobs, puze-
 pom, odukoms al pakam valemik atas, e täno osefoms noe-
 püdi laik, soi stadi mostepik benuga, kele vol zivetik jünü
 ebinom foginik.

NOET AL FLAN 9.

Sepükam in vödem, do velatik e blimöl obes, äs jinos, seplänami satik jenas plo deseins steifalama bevünetik pe-
 vüdöl fa kopanöm lombadänik plo püd, no binom seto-
 pam lefulnik velata, e tienomöv ito givön ledivami neku-
 lädik sugiva, keli flan at jenabuka melopik sötomöv tidön.

Dukosöv i al cödät negitälîk kodas e kodäta manas mö-
 dik nobik e itavitimik, elaböl dili vobädik flanü bölüdüls.
 Tikobs, das binos gudikum, topön in notäd patik dilimoti
 fovoik jena at, ka ropön fegonami ninöfa me dilimam lo-
 nedikum.

Binos pönedisputöl, das ä mödiks dukelas sulüdik in
 dikod neläbik at, ä plunumef gletik tlupanas eklödoms,
 das plisip itagovama topik (plisip stabik govama valik gu-
 dik) binom pekofüdik ko feit at, e levemo elaboms giti alos.

Sukü kozid üno neläbik dinädas, jinöl ti givön köli klö-
 dasete kalvanistik tefü govam dinädas menadik fa bülo-
 gal develik, palet bolitik in Pebaltats, kela plisip stabik
 itagovam binom, i pekofüdom nedilimiko ko sulüodam
 slafuba äs tatastit.

Ven mans nemödik luvisedik e nesnatik plo disins ita-
 sükik omas elenlogoms mufoti slitama, ebülogoms, das gov
 Pebaltatas obevotlîdom al lepedön ati; e enoloms, das pop

sulüda divodöl plisipi itagovama topik ozunom demü be-
votlidam somik.

No ebülogoms laidunäli nolüda, ni mens snatik, pebli-
nöl al klig me divam itagovama topik, eleseovms jeni, das
oms it emekoms cöpami funlik ta itagovam topik somik,
jedöl govami fedik in nams paleta zenodama e monäka
pölubiko penemöl pübligik.

Natiko palet at isulüodom slafubi, ni ebinos divam anik
liba menadik eninaföl omi in klig.

Mens soelik in Pebaltats, kels efeitoms sis beginam ba-
lid plo gits menada, ebinoms jameps 'dejafanas' lanimälik
ut, kels noe peslanoms e peneftenoms fa mens paleta pü-
bligik, soi ofeno pebelapinoms, peflapoms e pemölodoms
fa lusogs nolüda.

Pefedan natik fetanefa nobik at isötom binön palet ita-
govama topik, ab kofam feinik fäta emütom otis in keds
paleta monäkik u sonemik püpligik äs palet soelik, fa
kel, segun kofudam selednik paletas e plisipas, slafub me-
nadik in Pebaltats ekanom pafinön.

Sek filöna ta fimod Sumpter ebinom, lovejedön in nams
zenodama govami Pebaltatas plo lonedikum, ka yeltum
foldilik, e äs finasek gov at binom püblig te segun nem. Nu
binos liegasölug pemeilädöl me stitams popasölugik nogo
letöl in nams popa mesülis gedagetöna nämi pebölüdöl, if
lied egivom ome kapäli sätik, al livamekön omis de bads,
pedunöl sukü nenolug omas.

If lieg liegasöluga, nu lovejadöl tati, pivobom-la me plä-
gam snatik tugas dustodik, zesüdosöv, mekön sesumi ne-
mödikum ; neläbiko ko plunumef gletikum samas lieg pe-
lönöl pevöbom me cüt u gudüno me lonaplokudam cütik,
peplokudöl me nenolug pecütöl lemödas e me rübüb ma-
nas ut, keles lemöds at ekonfidoms.

Genüp denuamik noma somik e püblig Pebaltatas ufinom sibirinön e nemödasölug uslafom popi, no elaböl kapäli sätik, al sefön libi oma lenlogü dinäds umo gönik, ka evelo dilod mena evedom in ked lölik jenabuka peplotogöl.

Votam pebevobädöl, mostepöl e jinöl pafovön no ebironom e no jinom binön volut süpitik somik, äs volut gletik ut in Flent, ejeköl Yulopi timü fin yeltuma lätikün.

Mögiko no kanobsöv jonön sägo votami dabalik sibirinöl lonas fomik, öned kels lifobs, de kel dätön distukami pübliga.

Studel jenabuka nolom, das votam pübliga de Rom al limepän pebevobädöm seiliko, penenoetöl fa uts, kels ebironoms plisenik logü peludunam e sägo edunoms tefü befulam.

Somo ozitos tefü obs !

Noetam löpnik pepenom ötüpo ko penot, kele pelägi-vom in flukatim yela 1888—sis dät at mostep bunik pemekom ta nemödasölug, fa kel patädots, gletikum, ka egelo ezitom timü badumam de Rom e tefü kel etikobs, das genüp lölik pazesüdom, al bevobädön ati.

Pükal plösenöpa kongefa de 1889-90 erogom plo om it e plo calablods tel, kelis om it evälom, boxami netefamik nämäs lonaplokudik kopefa at, e atosi me zepam e yufam plunumefa kopanalas kongefa, kelas nonik elabom lesevam pülikün tefü zeil, keli esteifom.

Pop fino pebösetöl ab no minuti bal tu suno, eblamom paleti nemödasöluga me vögods, e no nog dukels paleta, kelis eväloms me plunumef demütik somik pla ats, noe enedunoms ployegön mesülis, al neletön rogamis somik plo füd, soi enaldünoms mesülis anik badik paleta nemödasöluga, fedugöl popi, al yüfön atis, nemöl okis pübligianis.



DOBBS BROS.
LIBRARY BINDING

ST. AUGUSTINE



FLA.

32084



0 021 550 536 4